

# Kujikubali

## Tatizo

Kutojikubali ni tatizo kwa waraibu wengi wanaopata nafuu. Kasoro hii ya hila ni ngumu kutambulika na mara nyingi hupita bila kutambulika. Wengi wetu tuliamini kwamba shida yetu pekee ilikuwa ni kutumia mihadarati, tukiukataa ukweli kwamba hatukuweza kuyamudu maisha yetu. Hata baada ya kuacha kutumia, kukataa ukweli huku kunaweza kuendelea kutuletea shida. Matatizo mengi tunayokumbana nayo katika upataji nafuu yanatokana na kutoweza kujikubali kwa kina. Huenda tusigundue kuwa kusumbuka huku ndio chanzo cha tatizo letu kwa sababu mara nyingi kunajitokeza kwa njia zingine. Tunaweza kujipata kuwa wepesi wa kukasirika au kuhukumu, kutoridhika, kuhuzunika, au kuchanganyikiwa. Tunaweza kujipata tukijaribu kubadilisha hali ya mazingira yetu kama juhudhi ya kuridhisha maumivu ya ndani tunayohisi. Katika hali kama hizi uzoefu umeonyesha kwamba ni vizuri tuangalie ndani mwetu ili tujue chanzo cha kutoridhika kwetu. Mara nyingi sana, tunagundua ya kwamba sisi hujikosoa sana, hujichukia na hujikataa.

Kabla ya kuja kwenye NA, wengi wetu tulijishi maisha yetu yote bila kujikubali. Tulijichukia na tulijaribu kila njia tungeweza ili tuwe tofauti. Tulitaka kuwa mtu yeyote tofauti na tulivyo kuwa. Tuliposhindwa kujikubali, tulijaribu tupate kukubaliwa na wengine. Tulitaka watu wengine watupe upendo na watukubali ambavyo hatukuweza kujipa, lakini kila wakati upendo na urafiki wetu ulikuwa wa masharti. Tuliweza kufanya chochote kwa mtu yeyote mradi tuweze kukubalika, na kisha tuliwachukia wale ambaa hawakukubaliana na vile tulivyotaka.

Kwa sababu hatukuweza kujikubali, tulitarajia kukataliwa na wengine. Hatukuruhusu yeyote kuwa karibu nasi kwa uoga kuwa wakitujua, watatuchukia pia. Ili kujikinga kutohana na kujulikana kwa undani, tuliwakataa wengine kabla ya wao kupata nafasi ya kutukataa.

## Hatua kumi na mbili ndio suluhisho

Leo, hatua ya kwanza kuelekea kujikubali ni kuukubali uraibu wetu. Lazima tuukubali ugonjwa wetu na matatizo yote ambayo unatuletea kabla ya kuweza kujikubali kama binadamu.

Kitu kingine tunachohitaji kutusaidia kuelekea kujikubali ni kuamini Nguvu kuu kuliko sisi wenyewe ambayo inaweza kuturudisha katika hali timamu. Hatuhitaji kuiamini dhana ya mtu mwingine ya Nguvu Kuu, lakini tunahitaji kuamini dhana ambayo inatufaa. Ufahamu wa kiroho wa kujikubali ni kujua ya kwamba ni sawa kujipata katika maumivu, kufanya makosa, na kujua ya kwamba sisi sio wakamilifu.

Mbinu fanisi ya kufikia hali ya kujikubali ni kupitia matumizi ya hatua kumi na mbili za kupata nafuu. Kwa vile sasa tumekuja kuamini katika Nguvu kuu kuliko sisi wenyewe, tunaweza kutegemea nguvu zake kutupatia ujasiri wa kuchunguza kasoro zetu na rasilimali zetu. Ingawa wakati mwengine inaumiza na huenda isionekane kama inatuelekeza kwenye kujikubali, ni muhimu kukumbana na hisia zetu. Tunatamani kujenga msingi thabiti wa kupata nafuu, na kwa hivyo tunahitaji kuchunguza vitendo vyetu na maadili, na tuanze kubadili yale mambo ambayo hayakubaliki.

Kasoro zetu ni sehemu yetu na zitaondoka tukijizoesha kuishi katika mpango wa NA. Rasilimali zetu ni zawadi kutoha kwa Nguvu Kuu yetu, na kila tunapojo funza kuzitumia

kikamilifu, kujikubali kwetu kunakua na maisha yetu yanaboreka.

Wakati mwengine sisi huijingiza kwenye sarakasi za kutamani tungakuwa vile tunavyofikiria tunafaa kuwa. Tunaweza kuhisi kuzidiwa nguvu na kujihurumia na majivuno, lakini kwa kuirudisha upya imani yetu kwa Nguvu Kuu tunapewa matumaini, ujasiri na nguvu za kukua.

Kujikubali kunawezesha kusawazisha upataji nafuu wetu. Hatuhitaji tena kutafuta kukubalika na wengine kwa sababu tumeridhika na kuwa sisi wenyewe. Tuko huru kusisitiza kwa shukrani rasilimali zetu, kuondokana na kasoro zetu kwa unyenyekevu, na kuwa wapataji nafuu bora tunaoweza kuwa. Kujikubali vile tulivyo kunamaanisha kuwa tuko sawa ,kuwa sisi sio wakamilifu, lakini tunaweza kuimarika.

Tunakumbuka kuwa tuna ugonjwa wa uraibu , na inachukua muda mrefu kupata kufanikiwa kujikubali kwa kina. Haijalishi vile maisha yetu yalivyodhoofika, daima tunakubaliwa katika ushirika wa Narcotics Anonymous.

Kujikubali vile tulivyo kunatatua tatizo la kutarajia ukamilifu wa kibinaadamu. Pindi tunapojojikubali, tunaweza kuwakubali wengine katika maisha yetu, pengine kwa mara ya kwanza bila masharti. Urafiki wetu unakuwa wa kina na tunazoea hali ya ujali inayotokana na waraibu kuchangiana upataji nafuu na maisha mapya.

Mungu, nijalie utulivu  
wa kuyakubali mambo  
nisiyoweza kubadilisha,  
Ujasiri wa kubadilisha  
mambo ninayoweza,  
na hekima ya kujua tofauti.



Narcotics Anonymous®  
Usitiri wa Mihadharati

Copyright © 2015 by  
Narcotics Anonymous World Services, Inc.  
Haki zote zimehifadhiwa

World Service Office  
PO Box 9999  
Van Nuys, CA 91409 USA  
T 818.773.9999  
F 818.700.0700  
Website: [www.na.org](http://www.na.org)

World Service Office—CANADA  
Mississauga, Ontario

World Service Office—EUROPE  
Brussels, Belgium  
T +32/2/646 6012

World Service Office—IRAN  
Tehran, Iran  
[www.na-iran.org](http://www.na-iran.org)



Hii ni tafsiri ya fasihi iliyokubaliwa ya Ushirika wa NA.

Narcotics Anonymous , na The NA Way

ni chapa za kibia shara zilizosajiriwa na  
Narcotics Anonymous World Services, Incorporated.

ISBN 9781633800458      Swahili      7/15

WSO Catalog Item No. SH3119

IP No. 19-SH

Kujikubali